

Ni Pangulong
Dieter F. Uchtdorf

Ikaduhang Manuglaygay sa
Unang Panguluhan



Pagpangita kay Cristo sa Paskwa

Sa tanan nga luyag makahangop kon sin-o kita bilang mga miyembro sang Ang Simbahan ni Jesucristo sang mga Santos sa Ulihing mga Adlaw, luyag ko sugdan ang pagpaathag paagi sining apat ka pulong: Ginapangita namon si Cristo.

Nagatinghuha kita sa pagtuon sa Iya. Sa pagsunod sa Iya. Nga mangin mas kapareho Niya.

Sa tagsa ka adlaw sa bilog nga tuig, aton Sia ginapangita. Apang ilabi na gid sa sining tion sang tuig---ang Paskwa, sa aton pagsaulog sang pagkabun-ag sang aton pinalangga nga Manluluwas---ang aton mga tagipusuon mas labi pa gid nga nakatuon sa Iya.

Bilang parte sang aton mga pagpanghanda sa pagsaulog sang Paskwa, aton binagbinagon kon paano yadtong mga nagkabuhi mga duha ka milenya ang nagligad nangin handa sa pagsug-alaw sang pag-abot sang Manluluwas.

Ang mga Manugpahalab

Wala kita makatul-id parte sa mga manugpahalab, kundi lang nga sila yara “nagatiner sa kaumhan, nga nagabantay sa ila panong sang karnero sa kagab-ihon.”¹ Ang mga manugpahalab laban-laban mga ordinaryo man lang nga mga tawo, kaangay sa madamong maa-yong mga tawo nga nagahimo sang ila obligasyon sa palangitan-an.

Mahimo sila nga magrepresentar sa mga tawo nga, sa isa ka tion, ayhan indi nangin aktibo sa pagpangita kay Cristo, apang ang ila mga tagipusuon nagbaylo sang ang kalangitan nagbukas kag si Cristo ginpakilala sa ila.

Sila ang amo nga, matapos mabatian ang tingug sang langitnon nga mga mensahero, sa gilayon naglakat sa Betlehem nga luyag makakita.²

Ang mga Mangin-alamon

Ang mga mangin-alamon may mataas nga kinaalam nga nagatuon sa pag-abot sang Mesias, ang Anak sang Dios. Paagi sa ila natun-an, ila nakilala ang mga patimaan nga nagatumod sa Iya pagkabun-ag. Sang ila makilal-an ang mga ini, ginbayaan nila ang ila mga panimalay kag nagbiyahe padulong sa Jerusalem, nga nagapamangkot, “Diin bala sia nga Hari sang mga Judio?”³

Ang ila ihibalo kay Cristo wala nagpabilin nga teoriya lamang. Sang makita nila ang mga patimaan sang Iya pagkabun-ag, naggihi sila. Naglakat sila agud pangitaon si Cristo.

Ang mga mangin-alamon mahimo nga magrepresentar sa ila nga nagapangita kay Cristo paagi sa pagtuon sa pag-akto kag pagtuon sa teoriya. Ang ila debosyon sa kamatuoran sang ulihi nagtuytoy sa ila agud nga makita si Cristo kag simbahon Sia bilang Hari sang mga hari, ang Maluluwas sang katawhan.⁴

Simeon kag Ana

Sanday Simeon kag Ana mahimo magrepresentar sa ila nga nagapangita kay Cristo paagi sa Espiritu. Ining dala-yawon nga mga kalag nangin maukod sing espirituhanon kag, paagi sa pagpuasa kag pangamuyo kag sa pagpangabuhi nga may debosyon kag pagtuman, naghulat sing may kakunyag nga makita ang adlaw sang pagkari sang Anak sang Dios.

Paagi sa pagkamainunungan, pagkamapainubuson, kag pagtuo, mapasensyahon sila nga naghulat sa pagkari sang Manluluwas.

Sang ulihi, ang ila pagkamainunungan ginpadyaan sang ginpresentar sa ila nanday Maria kag Jose ang lapsag nga sa isa ka adlaw amo ang magadala sa Iya kaugalingon sang mga sala sang katawhan.⁵

Mga tumuluo sa tunga sang mga Nefinhon kag mga Lamanhon

Ang makatalandog nga estorya kon paano ang mga tumuluo sa Bag-ong Kalibutan nagbantay sang mga patimaan sa pagkabun-ag sang Manluluwas makita sa Libro ni Mormon.

Madumduhan ninyo nga yadtong mga may pagtuo kay Cristo ginpanyaguta kag gin pangtamay. Ang mga sosyal sadto nga panahon nag-akusar sa mga tumuluo nga nagasandig sila sa kabuangan nga mga desperates. Sa pagkamatuod, ang indi mga tumuluo tuman ka bas-kog sa ila nga pagpanyaguta nga nagtuga sila sang "isa ka dako ka kinagubot"sa bug-os nga kadutaan (3 Nefi 1:7). Gin-uliga nila yadtong mga nagapati nga ang Manluluwas matawo.

Ang ila kaakig kag kasingki nagdako sing tuman nga nangin tuman sila kaisog nga pahipuson na gid sa katapusan ang tanan nga nagapati sa Manluluwas. Ang Libro ni Mormon nagsulat sang madrama nga katapusan.⁶

Ang mga tumuluo nga nagkabuhii sa sinning panahon mahimo magrepresentar sa ila nga nagapangita kay Cristo bisan nga ang iban nagakadlaw, nagapangyaguta, kag nagapanunlog. Ginapangita nila si Cristo bisan nga ang iban nagatinguha nga bansagan sila nga mga baraghil, kulang sang ihibalo, ukon ilintuon.

Apang ang pagpangyaguta sang iban wala nagapaluya sa matuodtuod nga mga tumuluo sa pagpangita kay Cristo.

Ginapangita Naton si Cristo

Sa bilog nga tuig, kag ayhan ilabi na gid sa sining tion sang paskwa, makabulig sa aton nga sa liwat magpamangkot "Paano ko ginapangita si Cristo"?

Sa mabudlay nga tion sang iya kabuhi, ang bantog nga Haring David nagsulat, "O Dios, ikaw akon Dios; pangitaon ko ikaw sing hanuot: ang kalag ko ginauhaw sa imo, ang akon unod ginalangkag sa imo."⁷

Ayhan ining kinaugali sa pagpangita sa Dios isa sang mga rason nga si David ginkilala bilang isa ka tawo nga suno sa tagipusuon sang Dios.⁸

Sa sulod sining panahon sang Paskwa kag sa bilog nga tuig, kabay nga pangitaon naton ang aton pinalangga nga Manluluwas, ang Prinsipe sang Paghidaet, ang Isa nga Balaan sang Israel sa bug-os naton nga mga tagipusuon kag mga kalag. Kay ining handum, sa dako nga bahin, nagapakilala indi lamang kon sin-o kita bilang mga miyembro sang Ang Simbahan ni Jesucristo sang mga Santos sa Ulihing mga Adlaw kundi ilabi na kon sin-o kita bilang mga sumulunod ni Cristo.

MGA TANDA

1. Lucas 2:8
2. Tan-awa sa Lucas 2:15
3. Tan-awa sa Mateo 2:1-2
4. Tan-awa sa Mateo 2:11
5. Tan-awa sa Lucas 2:22-38
6. Tan-awa sa 3 Nefi 1
7. Mga Salmo 63:1
8. Tan-awa sa Mga Binuhatan 13:22

PAGTUDLO GIKAN SA SINING MENSAHE

Paano kita sarang magpangita sing mas maayo kay Cristo, suno sa ginapanugyan ni Pangulong Uchtdorf? Sarang man ninyo paisugon ang inyo mga ginatudloan nga pamangkuton ang ila mga kaugalingon, "Paano ko ginapangita si Cristo?" Binagbinaga nga agdahon sila sa pagsugod paambit kon paano ang kada isa sa ila nagapangita kay Cristo sa tion sang ila adlaw-adlaw nga pangpanimalay nga pagtuon sang balaan nga mga kasulatan. Mahimo man nga magtan-aw kamo sa *Mormon.org* sang pang-Paskwa nga video upod ang inyo mga ginatudloan kag agdahon sila nga magpartisipar sa sinning tuigan nga oportunidad sa pagpangita kay Cristo paagi sa pagsunod sa lya mga pinanudlo.

MGA KABATAAN

Nagabantay kay Jesus

Madamo sang mga tawo ang nagbantay kag nag-hulat nga si Jesus matawo. Sa karon nagabantay kita kag nagahulat sa lya nga magkari liwat! Sarang kita nga mangin handa paagi sa pagtuon parte kay Jesus kag pagsunod sa lya. Paano ninyo ginasunod si Jesus? Magdrowing sang isa ka bituon kag isulat ang inyo mga ideya sa sulod.



Handa Magpas-an sang mga Palas-anon sang Isa kag Isa

Tun-i sing mainampuon ining materyal kag magpangamuyo agud mahibaloan kon ano ang ipaambit. Paano bala ang paghangop sang katuyuan sang Relief Society nagahanda sa mga anak nga babayi sang Dios para sa mga bugay sang kabuhi nga wala'y katapusan?

Ginapalibutan kita sadtong mga nagakinahanglan sang aton pagtamod, sang aton pagpaisog, sang aton pagsakdag, sang aton pagpaumpaw, sang aton kaayo,” siling ni Pangulong Thomas S. Monson. “Kita ang mga kamot sang Ginuo diri sa duta, nga may mando nga mag-alagad kag mag-alsaa sa Iya mga anak. Siya nagaosalig sa isa kag isaa sa aton.”¹

Si Pangulong Henry B. Eyring, Unang Manuglaygay sa Unang Panguluhan, nagsiling: “Isa ka dako nga pagbag-o ang nagsugod sa inyo tagipusuon sang magkari kamo sa sini nga Simbahan. Nag-himo kamo sang kasugtan, kag nagbaton kamo sang promisa nga nagsugod sa pagbag-o sang inyo mismo kinaugali. . . .

“. . . Nagpromisa kamo nga buligan ninyo ang Ginuo nga pamag-anon ang palas-anon sang [iban] kag paumpawan sila. Ginhatagan kamo sing gahum sa pagbulig pamag-an sadtong mga lulan sang inyo nabaton ang dulot sang Balaan nga Espiritu.”²

“Luyag naton gamiton ang kasanag sang ebanghelyo nga makita

ang iban subong sang pagkakita sang Dios sa ila—nga may kaluoy, pag-asa, kag putli nga pagmahal,” siling ni Jean B. Bingham, Pangkabilugan nga Pangulo sang Relief Society. “Ang adlaw magaabot kon san-o makaangkon kita sang lubos nga paghangop sang tagipusuon sang iban kag mangin mapinasa-lamaton sa kaluoy nga ginhatac sa aton kasubong nga kita nagahatag sing maluluy-on nga panghunahuna kag mga pulong sa iban. . . .

“Ang aton obligasyon kag prebilihiyo amo nga dal-on naton ang pag-uswag sa *tanan* sa aton pagtinguba nga mangin mas labing kasubong sa aton Manluluwas.”³

Kon aton ginapas-an ang mga palas-anon sang isa kag isa, kag ginatipigan ang aton mga kasugtan, ginabuksan naton ang alagyan para kay Jesucristo agud ayuhon ang iban. Si Elder Jeffrey R. Holland sang Korum sang Napulo’g Duha ka Apostoles nagtudlo: “Nga ginabinagbinag ang indi mahangpan nga bili sang Paglansang kag Pagbayad-sala, ginapromisa ko sa inyo indi kita Niya pagtalikdan sa karon. Sang sia nagsiling sa mga

imol sa espiritu, ‘Kari kamo sa akon,’ Iya ginapahangop nga naka-hibalo Sia sang alagyan pagwa kag alagyan pasaka. Iya ini nahibaloan bangud Iya na ini naagyan. Nahibaloan niya ang dalan bangud Sia amo’ng dalan.”⁴

Dugang nga Balaan nga mga Kasulatan

Mateo 25:40; Mga Taga-Galacia 6:2; Mosias 2:17; 18:8-9

MGA TANDA

1. Thomas S. Monson, “Serve the Lord with Love,” *Liahona*, Feb. 2014,⁴
2. Henry B. Eyring, “The Comforter,” *Liahona*, Mayo 2015, 18.
3. Jean B. Bingham, “I will Bring the Light of the Gospel Into My Home,” *Liahona*, Nob. 2016,6,8
4. Jeffrey R. Holland, “Broken Things to Mend,” *Liahona*, Mayo 2006,⁷¹

Binagbinaga Ini

Paano ang pagbulig pas-an sang palas-anon sang iban kag pagtipig sang aton mga kasugtan nagabukas sang alagyan para kay Jesucristo agud mabuligan yadtong mga nagakinahanglan?